



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LEKHAYA (HL)

IPHEPHA LESITHATHU (P3)

NOVEMBA 2023

IMITLOMELO: 100

ISIKHATHI: Ama-iri ama-3

Iphepheli linamakhasi ama-5.

YELELA

1. Iphepheli LINEENGABA EZIMBILI, u-A no-B.

ISIGABA A: Amatheksthi wokuzitlamela (Ama-eseyi) (50)

ISIGABA B: Amatheksthi wokuthintana (2 x 25) (50)

YELELA: Abafundi bakatelelekile bona baphendule MIBILI imibuzo KUSIGABA B.

2. Phendula umbuzo OWODWA ESIGABENI A kanye nemibuzo EMIBILI ESIGABENI B.

3. Tlola ngelimi ohlolwa ngalo.

4. Thoma ISIGABA ESINYE NESINYE nombuzo OMUNYE NOMUNYE ekhasini ELITJHA.

5. KUSIGABA A kufuze uhlele (usebenzise umebhengqondo, idayagramu/ Iflowutjhadi/amagama amumongo, njll.), uqinisekise bona umsebenzakho awunazo iimphoso. Ukuhlela kwakho akuvelenofana kubonakale NGAPHAMBI kwe-eseyakho.

6. Ukuhlela kwakho ukutlole kuhle kubonakale ekhasini lokuthoma bese uthoma i-eseyakho ekhasini elilandelako.

7. Isikhathi esiphakanyisweko sokutlola ISIGABA NGASINYE:

ISIGABA A: Pheze imizuzu ema-100

ISIGABA B: Pheze imizuzu ema-(2 x 40) 80

8. Tlola iinomboro zeependulo zakho zifane patsi nangendlela ezinonjorwe ngayo ephepheni lemibuzo.

9. Isihloko asingabalwa nakubalwa inani lamagama.

10. Tlola ngesandla esihle nesibonakalako.

ISIGABA A: AMATHEKSTHI WOKUZITLAMELA (AMA-ESEYI)**UMBUZO 1**

Khetha isihloko ESISODWA utbole ngaso i-eseyi engaba magama ama-340–390.

Kufanele utjengise ukuhlela kwakho (kungaba ngokukodwa kilokhu: umebhengqondo/idayagramu/iflowutjhadi/amagama amumongo, njll.).

- | | | |
|-----|---|------|
| 1.1 | Isizo elikhulu engekhe ngalikhohlwa nengalfumana simahla. | [50] |
| 1.2 | Intjhijilo engahlangabezana nazo nezangihlakaniphisako epilweni. | [50] |
| 1.3 | Ngalemuka ngemva kwasikhathi ipilwami seyonakele. | [50] |
| 1.4 | Linkundla zokuthintana zenza ipilo ibe lula zibuye zibe mraro emaphilweni wabantu. | [50] |
| 1.5 | Indlela umuntu aziphatha ngayo ihlathulula ngcono bona ukhule bunjani. Vumelananofana uphikisane nesitatimendesi. | [50] |

Khetha isithombe ESISODWA bese utlola i-eseyi yesihloko ozozitlamela sona. Tlola inomboro yombuzo (Isib: 1.6, 1.7 nanyana 1.8) bese unikela i-eseyakho isihloko esiyifaneleko.


TJHEJA: Kufanele kube nokukhambelana kwe-eseyakho nesithombe osikhethileko.

1.6

[Sithethwe ku-www.images.com]

[50]

1.7

[Sithethwe ku-www.images.com]

[50]

1.8

[Sithethwe ku-www.images.com]

[50]

IMITLOMELO YESIGABA A: 50

ISIGABA B: AMATHEKSTHI WOKUTHINTANA**UMBUZO 2**

Khetha iinhloko EZIMBILI bese utlola ngazo ngamagama ali-100 kufika kwali-120 isihloko NGASINYE.

2.1 INCWADI YOBUNGANI

Umnganakho okhule naye ekhabo bazithagela uthole umsebenzi emayini eyemba amalahle. Mtlolele incwadi umthokozise bewumyelelise ngokobana ayisebenzise njani imali ukuze akghone ukukhupha umndeni wekhabo emtlhagweni okiwo lo.

[25]

2.2 INCWADI YABAKHULU/YOMTHETHO

Wafaka isibawo sokufunda eYunivesithi yeMpumalanga walibala ukufaka sendawo yokuhlala. Tlola umlawuli weendawo zokuhlala zeYunivesithi le incwadi ubawe indawo yokuhlala njengombana sewamukelwe njengomfundu oyokufunda khona emnyakeni ozako.

[25]

2.3 UMLANDO KAMUFI

Umntamamakho ohlala naye ekhenomkhulu uhlongakele engozini yekoloyi nabegade abuyela emsebenzini ngemva kwamaholideyi wePhasika. Bekhenomkhulu babawe wena bona kube nguwe otlola umlando wakhe. Tlola umlando kamufi ozokufundwa ngelanga lomngcwabo.

[25]

2.4 I-INTHAVYU

Uilunga lomphakathi obegade utjhagalela ukucinywa kwegezi isikhathi eside nekwagcina ngokobana kutjhiswe umuzi wekhansela lendawo. Njeke umrhatjhi womrhatjho womphakathi ukumemile ukuzokuzwa unobangela wokutjhiswa komuzi wekhansela ekubeni bekutjhagalelwu ukucinywa kwegezi ngu-Eskom. Tlola i-inthavyu ebe phakathi kwakho nomrhatjhi loyo.

[25]

2.5 IKULUMO EHLEKILEKO

Ube mfundi osebenze kuhle khulu eemfundweni zakho zegreyidi le-11 emnyakeni ogadungileko. Njeke uitjhrehloko wesikolo senu ukubawe bona uzokwethula ikulumo yokukhuthaza nokuyeletisa abafundi ngeendlela abangazilandela zokufunda ukuze baphumelele njengawe. Tlola ikulumo ehlekileko ozoyethula ngelanga lokwamukelwa kwabafundaba.

[25]

2.6 I-AJENDA NAMAMINITHI WOMHLANGANO

Umphakathi wangekhenu watjelwa bona amanzi azokukhamba isikhathi esingaba malanga ama-2 ngeveke kodwana amalanga la sele akghona ukukhamba pheze iimveke ezi-2 zoke. IKhansela lendawo libize umhlangano womphakathi ukuzokuhlathulula abonobangela bobujamobu. Njengonobhala wehlangano yomphakathi wendawo yangekhenu, tlola i-ajenda namaminithi womhlangano lo.

[25]

**IMITLOMELO YESIGABA B:
INANI LOKE:**

50

100